

○妙法蓮華經觀世音菩薩普門品偈

世尊妙相具我今重問彼佛子何因緣

名為觀世音具足妙相尊偈答無盡意

汝聽觀音行善應諸方所弘誓深如海

歷劫不思議侍多千億佛發大清淨願

我為汝略說聞名及見身心念不空過

能滅諸有苦假使興害意推落大火坑

念彼觀音力火坑變成池或漂流巨海

龍魚諸鬼難念彼觀音力波浪不能沒

或在須彌峯為人所推墮念彼觀音力

如日虛空住或被惡人逐墮落金剛山

念彼觀音力不能損一毛或值怨賊繞

各執刀加害念彼觀音力咸即起慈心

或遭王難苦臨刑欲壽終念彼觀音力

刀尋段段壞或囚禁枷鎖手足被杻械

念彼觀音力釋然得解脫咒詛諸毒藥

所欲害身者念彼觀音力還著於本人

或遇惡羅刹毒龍諸鬼等念彼觀音力